

Oqaluuserisassanut nassuiaat.

(Inatsisartut Siulittaasuut)

Inatsisartut ataatsimiinnerannut tikilluaritsi. Oktobarip ulluisa 31-ianni 2016 kingullermik maani ataatsimiippugut, tamatumalu kingorna oqaluuserisassani allannguutit ikigisassaanatik.

Naalakkersuisut oqaluuserisassanut immikkoortumik nutaamik nalunaaruteqarput:

Immikkoortoq 21: Uunga siunnersuut: Namminersornerullutik Oqartussat missingersuutaat pillugit Inatsisartut inatsisaata allanngortinneqarneranik Inatsisartut inatsisaat nr. x, xx 2016-imeersoq (2017-imut aningaasanut inatsisissaq, nunamut tamarmut akileraarutissaq, kommunit missingersuutissaat aamma ulluunerani paaqqinnittarfinnut akiliutissat).

Siunnersuut ullumi ataatsimiinnermi oqaluuserisassatut siullertut, aamma tulleriissiinnarlugu siullermeerlugu, aappassaaneerlugu pingajussaaneerlugulu, oqaluuserisassavarput.

Demokraatit oqaluuserisassani immikkoortoq nutaaq nalunaarutigineqarpoq:

Immikkoortoq 61: "Ilinniartoqarneq pillugu inatsimmik" taaneqartup naleqqussarnissaa siunertarlugu attuumassuteqartut soorlu suliffeqarnerup iluani illuatungeriit ilinniarnermullu atatillugu atuagarsorfiit atuariit akuutinneqarnissaat pisariaqarnerseq pillugu apeqquaqat allaavigalugu oqallinnissamik siunnersuut, taamaasiornikkut qularnaarumallugu, inatsisip ingerlalluarnissaa taamatullu Inatsisartuni amerlanerussuteqarluartunit innuttaasunillu tapersorsorluarneqarnissaa.

Immikkoortoq ulloq 18. november oqaluuserineqassaaq

Naalakkersuisut oqaluuserisassani immikkoortut 112 aamma 122 tunuartippaat.

Immikkoortoq 112: Uunga siunnersuut: Ilinniarfinni aamma ilinniagaqartut ineqarfiini aangajaarniutinik atuisoqartarnerseq pillugu misissuisoqartarnissaa pillugu Inatsisartut inatsisaat nr. xx, xx 2016-imeersoq.

Immikkoortoq 122: Siunnersuut uunga: Imigassat aalakoornartortallit pillugit Inatsisartut Inatsisaat nr. xx, ulloq xx.xx 2016-imeersoq.

Siunnersuuteqartut oqaluuserisassani immikkoortut 51, 52, 127, 66 kiisalu 70 tunuartippaat.

Immikkoortoq 51: Nunatsinni silaannakkut imaatigullu inuit angallanneqarnissaat siunertaralugu kiffartuussinissamik isumaqatigiissutit qanoq sinaakkutissiorneqartarnissaat pillugit Inatsisartunut ilaasortat isummersornissaat siunertaralugu apeqquteqaaq aallaavigalugu oqallisissiaq.

Immikkoortoq 52: Aatsitassarsiorfinni radiup qinngorneranik 60 ppm-inik akoqarnerusunik qalluiffiusuni aalajangersimasumik illoqarfinnut, nunaqarfinnut imeqarfinnullu tasernut 50 kilometerinik isumannaallisaanikkut killeqarfiliisoqarnissaanik Naalakkersuisut ataatsimut aalajangersagaliornissamik peqquneqar-nissaannik Inatsisartuni aalajangiiffigisassatut siunnersuut. Siunnersuummut atatillugu inatsisiliornikkut suliassat pisariaqartut kingusinnerpaamik UKA2017-imi saqqummiunneqassapput.

Immikkoortoq 127: Inuit amerliartuinnartut Nunarput qimassallugu aalajangertarnerannut suut tunngavilersuutaasinnaaneranik innuttaasullu ikiliartuinnarnerat mumisinnissaanut suut iliuuserineqarsinnaanerannik Naalakkersuisut UKA2017-mut saqqummiunneqartussamik sukumiisumik nalunaarusiornissaannik Inatsisartunut aalajangiiffissatut siunnersuut.

Immikkoortoq 66: Kalaallit Nunaanni aalisarfiusup iluani aalisartitseqatigiiffiup aningaasaataasa ikinnerpaamik inunnit aalajangersimasunit pigineqarnissaannik allaqqasoq assigalugu ingerlatseqatigiiffiup piginnittuisa agguagarsisarnissaasa aalisarnermut inatsimmi allaqqalersinnaanerata kingunerisinnaasai pillugit kingusinnerpaamik UKA 2017-imi nalunaarummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

Immikkoortoq 70: Nunatsinni tunisassiornikkut atugassarititaasut pillugit, kiisalu tunitsiveqarnikkut periarfissaasuannikkullu aalisartunut ajornartorsiutit pillugit, aammalu aalisakkerivinni sulisussanik ajornartuittarneq pillugu apeqquteqaat aallaavigalugu oqallinnissamik siunnersuut.

Inatsisartunut ilaasortap Jens Immanuelson, Siumut, oqaluuserisassani immikkoortut uku Suka K. Frederiksenimit tiguai: Imm. 30, 31, 33, 34 aamma 37.

Inuit Ataqtigiit Inatsisartunut ilaasortaataasa oqaluuserisassani immikkoortut uku Inuit Ataqtigiinnit ilaasortanit nutaamik Naalakkersuisunut ilaasortannortunit tiguaat: Imm. 90, 106, 107, 108, 109, 127, 141, 137, 95, 99, 102, 103, 46, 47, 48, 49 aamma 50.

Demokraatit Inatsisartunut ilaasortaataasa Tillie Martinussenip Poul Hansenillu siunnersuutaat tiguaat.

Atassutip immikkoortut tamaasa Siverth K. Heilmannimit Steen Lyngemillu siunnersuutigineqarsimasut tiguai.

Siulittaasoqarfik ulluni 3. aamma 4. november oqaluuserisassani immikkoortut ulluni 27. aamma 28. oktober, kiisalu 7. november oqaluuserineqartussaagaluartut suliarineqarfissaat nutaat pillugit tusagassiorfinnut tnalunaaruteqartarput. Tusagassiorfinnut nalunaarutini ataatsimiititaliat kinguartitsinissanik kissaataat taamatuttaaq takuneqarsinnaasimapput.

Nunanut Allanut Sillimaniarnermullu Ataatsimiititaliaq oqaluuserisassani immikkoortut 65, 90 aamma 93 aappassaaneerineqarnissaasa ulloq 21. novemberimut kinguartinneqarnissaannik qinnuteqarpoq:

Immikkoortoq 65: Illersornissamut isumaqatigiissutip 1951-imeersup kingornagullu ilassuteqartinneqartup qanoq isumaqatigiinniutigeqqinneqarsinnaaneranut kaammattuutininik saqqummiussisussamik kalaallit/danskit allaffissornikkut ataatsimiititaliaannik pilersitsinissaq siunertaralugu danskit naalackersuisuinut saaffiginnequllugit Naalackersuisut peqquneqarnissaannik Inatsisartut aalajangiiffigisassaattut siunnersuut, taamaalilluni illersornissamut isumaqatigiissutit aammalu amerikamiut Kalaallit Nunaanni sakkutooqarnerat Kalaallit Nunaannut iluaqutaanerusinnaaqullugit.

Immikkoortoq 90: Illersornissamut isumaqatigiissut 1951-meersoq tamassumalu kingorna tapiliussatut isumaqatigiissutit tassunga attuumasut nalilersuineramik Inatsisartunut (imaluunniit tatigeqatigiinneq pillugu isertuussineq pisariaqassappat Nunanut Allanut Sillimaniarnermullu Ataatsimiititaliamut) UKA2016-imi saqqummiussinissaannik Naalackersuisut peqquneqarnissaannik Inatsisartut aalajangiiffigisassatut siunnersuut. Naliliinermi isumaqatigiissummi naalackersuinikkut aningaasaqarnikkullu akuusut nunatsinnut qanoq pingaaruteqarneri nalilersorneqassapput, tamassumalu saniatigut Naalagaaffeqatigiinnerup iluani Namminersorlutik Oqartussat isumaqatigiissut malillugu pisinnaatitaaffiisa piginnaaneqarnerisalu erseqqissarneqarneri ilaatinneqassallutik.

Immikkoortoq 93: Kalaallit Nunaata inuiaqatigiillu kalaallit amerikamiut Kalaallit Nunaanni sakkutooqarnerat annertunerpaamik pissarsiaqaatigalugulu iluaqutigisinnaanera qulakkeerniarlugu ataatsimoorussamik danskit/kalaallillu USA-mik isumaqatiginninniarnissaannik Naalackersuisut peqquneqarnissaannik Inatsisartut aalajangiiffigisassaattut siunnersuut. Naalackersuisut Illersornissamut Isumaqatigiissut 1951-imeersoq tamatumalu kingorna tapiliunneqartut naapertorlugit USA-p Nunatsinni

suliaqartarnerini nunatsinnut erseqqissunik iluaqutaanissaa suli sulissutigissavaat , tassunga ilanngullugu amerikamiut sakkutooqarfikui sanaartukkallu allat qimaannarneqarnikut pillugit avatangiisitigut akisussaaffiup paatsuugassaannngitsumik inissinneqarnissaa, pisariaqarpallu tapiliussamik nutaamik isumaqatigiinninniarnermik imaluunniit Illersornissamut Isumaqatigiissutip 1951-imeersup isumaqatiginninniutigineqaqqinnissaanik piunasaqaateqarlutik.

Oqaluuserisassani immikkoortoq 113 taamatut kissaateqartoqarnera tunngavigalugu ulloq 10. november aappassaaneerneqassaaq, ullorlu 17. november pingajussaaneerneqassalluni: Immikkoortoq 113: Uunga siunnersuut: KNI A/S pillugu Inatsisartut peqqussutaata allanngortinneqarneranik Inatsisartut inatsisaat nr. xx, xx 2016-imeersaq. (Ingerlatseqatigiiffissuup KNI-p suliassaasa killilerneqarnerat)

Oqaluuserisassani immikkoortut 47, 137 aamma 140 aappassaaneerneqarnissaasa kinguartinneqarnissaanik Inatsisinut Ataatsimiititaliaq qinnuteqarpoq. Immikkoortoq 137 ulloq 14. november aappassaaneerneqassaaq, immikkoortullu 140 aamma 47 ulloq 18. november aappassaaneerneqassallutik. Immikkoortoq 47: Pisortat ataatsimoortumik allaffissornerisa aqqissugaanerannut atatillugu naliliinissamut ataatsimiititaliarsuarmik pilersitsisoqarnissaanut Naalak-kersuisut peqquneqarnissaannut Inatsisartut aalajangiiffigisassaattut siun-nersuut. Maanna suliassaasut aallaavigalugit allaffissornerup annertussusaa ataatsimiititaliarsuup nalilersussavaa, suleriaatsit sunniuteqarluarnerusut pilersinnissaannut immikkoortortaqaqfiillu suliassaqaqfiillu (sektorit) akimorlugit suleqatigiinnerup pitsanngorsaaviginissaanut periarfissat misissussallugit, kiisalu allatut aqqissuussinissamut periarfissanik siunnersuuteqarluni. Siunnersuutini tamani inatsisit ingerlatsinermut tunngasut qasukkartinneqannginnissaat aallaaviussaaq. Ataatsimiititaliarsuaq inunnit sektorinit assigiinngitsuneersunit inuttaqassaaq, tassa pisortat sektoriineersut aamma namminersortut sektoriineersut ilaasortat misilittagaqartut amerlaqatigiissallutik. Ataatsimiititaliarsuaq assigiinngissitaartuneersunit ilaliussanik sulisitaqassaaq, sulininilu ukiut marluk iluanni naammassissallugu. Tamatuma kingorna ataatsimiititaliarsuup innersuussutai Inatsisartuni politikikkut suliarineqassapput.

Immikkoortoq 137: Kommunit kattunnerisa kingorna Naalakkersuisut malitseqartitsillutik aqqissuusseqqissinnaanissamut UKA2017-mut sinaakkutissanik tunngavigisassanillu nassuiaasioqqullugit Inatsisartut aalajangiiffissaattut siunnersuut.

Immikkoortoq 140: Kalaallit Nunaanni pinerluttulerineq pillugu inatsisip aamma Kalaallit Kalaallit Nunaanni eqqartuussisarneq pillugu inatsisip allanngortinneqarnissaanut missingiummut Namminersorlutik Oqartussat tapersersuinissaat pillugu Inatsisartut aalajangiiffigisassaattut siunnersuut (Oqarasuaatikkut nalunaaruteqartarneq, kalaallit nunaanni pinerluuteqarsimasunut inissiisarfinni pissaanermik atuineq, kiisalu palleeqqusinnginneq, sumiiffimmeeqqusinnginneq peersitaanerlu il. il.) aamma palleeqqusinnginneq, sumiiffimmeeqqusinnginneq peersitaanerlu pillugit inatsisip Kalaallit Nunaannut atuutilernissaa pillugu peqqussut aamma pinerlunnernik eqqugaasimasunut naalagaaffimmit taartisiaqarnissaq pillugu inatsisip allanngortinneqarnera.

Ilaasortat uku sila angalaniarnikkullu pissutsit pissutigalugit sulii apuutinngillat:

Debora Kleist, Inuit Ataqatigiit

Jess Svane, Siumut, aamma

Anders Olsen, Siumut

Ilaasortat uku akornanni taasisarnerit pillugit isumaqatigiissuteqar-toqarpoq:

Justus Hansen, Demokraatit aamma Ane Hansen, Inuit Ataqatigiit

Michael Rosing, Demokraatit aamma Debora Kleist, Inuit Ataqatigiit

Knud Kristiansen, Atassut aamma Jess Svane, Siumut